

Taita Dios  
*imashna*  
quishpichisha  
*nijujmanda*



**SGM Internacional**

3 Eccleston Street Londres SW1W 9LZ Inglaterra

Juchata rurajcunata quishpichingapajmi, Cristo  
Jesusca cai pachaman shamurca. 1 Timoteo 1:15

Diosca, tucuicuna quishpirichunmi munan.  
Paimanda na llullashpa villajuj Shimitapash  
yachachunmi munan. 1 Timoteo 2:4

Taita Diosca, cai pachapi causajcunata Quishpichij  
cachunmi, paipaj Churitaca cachamurca.  
1 San Juan 4:14

ñavi pascarijpimi, Taita Dios yachanshnallata alita, nalitapash yachanguichi. Chaitaca, Taita Diospash yachanmi” nircami.

Chashna nijpimi huarmica, yurapi fucushcataca micungapaj ali cajta, munanayai ricurijujta ricurca.

Chai yurapi fucushcataca, ali yachaita japingapajpash alipacha cajtami ricurca.

Chaimandami, chai yurapi fucushcata japishpa micurca. Shinallata paipaj cusamambash carajpimi paipash, chai huarmishnallata micurca.

Génesis 3:1-6

Ashtahuangarin Mandaj Taita Diosca, runataca: “¿Ama micunguichu nishpa, ñuca mandashca yuramandachu micurcangui?” nircami. Shina nijpimi runaca, cashna nirca: “Ñuca cumba cachun can carashca huarmimi, yuramanda japishpa carajuarca. Shina carajpimi, ñucapash micurcani” nircami.

Shi nijpimi Mandaj Taita Diosca, huarmitaca: “¿Ica rurarcanguiyari?” nirca. Shina nijpimi huarmitaca: “Culebra umachijpimari micurcani” nirca.

Shina nijpimi Mandaj Taita Diosca, culebrataca cashna nirca: “Can chashna rurashcamandaca, tucui animal puramandapash, pambapi causaj tucui animal puramandapash yali nalicachi tucushcami cangui. Chaimandami vijsahuanlla llucashpa puringui. Cambaj tucui causaipimi, alpata

micushpa causangui. Canhuan, huarmihuanga  
fiñanajushpa causachunmi churagrini. Shinallata  
cambaj miraihuambash, huarmipaj miraihuambash  
fiñanajuchunmi churasha. Paipaj miraimi, candaca  
umapi chugrichinga. Canga, chaqui talonbimi  
chugrichingui” nircami.

Huarmitaca cashnami nirca: “Huahuata can  
vijsayu tucushca punllacunapica, ashtaca nanaitami  
mirachisha. Chaimandami, huahuacunataca  
nanaihuan ungungui. Shinallata cambaj munaica,  
cambaj cusapajmi canga. Paimi candaca  
mandanga” nircami.

Runatapash cashnami nirca: “Cambaj huarmi  
rimajta cazushpami: ‘Chai yuramandaca, ama  
micunguichu’ nishpa ñuca mandashca yuramanda  
micushcangui. Cambaj jahuami, alpapash ninanda  
nalicachi tucunga. Alpamandaca, tucui cambaj  
causai punllacunapimi, imatapash shinllita rurashpa  
micungui. Pambapica, jatun casha yuracuna,  
uchilla cashacunami viñanga. Pambapi viñashca  
jihuacunatami micungui. Can cutin alpa  
tucungacamanmi, imatapash rurashpa, cambaj  
ñavipi ninanda jumbishpa micungui. Canga, chai  
alpamanda japishpami rurai tucurcangui. Nutu  
alpami cangui, ñutu alpallatami tigrangui” nircami.  
Génesis 3:9, 11-19

Chai pundamandapacha causajuj culebrami, paillata  
diablo shutipash, Satanás shutipash. Paica, tucui

cai pachapi causajcunatami umachin.

Apocalipsis 12:9

Juchata ruranaca, shujlla runamandami cai pachapica callarirca. Chai juchamandami, huañuipash callarirca. Shinallatami tucuicuna juchata rurashcamandaca, huañuipash tucuicunapajman shamujun. Romanos 5:12

### **Tucuicunami Taita Diospaj ñaupajpi juchayu tucushca**

Ñucanchica, tucuicunami chingashca llamacunashna, caita chaita rircanchi. Tucuicunami, ñucanchi ñanda japishpa rircanchi. Isaías 53:6

Mandaj Diosca, huañuna aichayu runacunataca, jahua pachamandami ricujurca. Taita Diosta mascaj, ali yuyaita charij runaca maijanllapash tiambashchari yashpami ricujurca. Tucuicunami Diosmanda anchurishpa, huaglicuna tucushca. Alita ruraj runaca, pipash na tianllu, shujllapash na tianllu. Salmo 14:2-3

Cashinami escribishca tijun: “Alita ruraj runaca, shujllapash na tianllu. Casilla ali causaigutapash, paicunaca na rijsircachu. Paicunaca, Taita Diospaj ñaupajpipash na manllashpami causanajun” nijunmi. Tucuicuna juchata rurashcamandami, Taita Diospaj punchapambagumanda anchuchi tucushca causanajun. Romanos 3:10, 17-18, 23

Canguna nalicunata rurashcallatami,  
cangunahuambash, cangunapaj Taita  
Dioshuambash shicanyachishca. Cangunapaj  
juchacunallatami, canguna mañanajujta ama  
uyachun, paipaj ñavita pacashca. Isaías 59:2

### **Taita Diosca tucuicunatami juyan**

Taita Diosca, cai pachapi causajcunata ninanda  
juyashpami, paipaj shujlla Churita caramurca.  
Pipash paita crishpaca, na chingaita  
chingagringachu, ashtahuangarin causaitami  
causagringa. Taita Diosca, cai pachapi  
causajcunata ninan llaquiman cachangapaca, na  
paipaj Churita cachamurcachu. Ashtahuangarin  
cai pachapi causajcunaca, paimandalla  
quishpirichunmi cachamurca. San Juan 3:16-17

Jesusca, Taita Diosta cashna nishpami mañarca:  
Na llullaj shujlla Taita Dios, cambaj Churi Jesucristo  
cajpimi, ñucata cachamurcangui. Shina  
rijsishpallami, pipash causaita causagringa.  
San Juan 17:3

Causaita causagrinata ñucanchi japigrichunmi Taita  
Diosca, paipaj shujlla Churita cai pachaman  
cachamushpa, ñucanchita juyajushcata ricuchirca.  
Ñucanchica, Taita Diosta na juyashpami  
causanajurcanchi. Ashtahuangarin pairami  
ñucanchita juyarca. Paillatami, paipaj Churita  
ñucanchi juchacunata anchuchingapaj huañuchun

cachamurca. Shina cachamushpami, ñucanchita  
juyajushcataca ricuchijun. 1 San Juan 4:9-10

## **Taita Diospaj Churica cai pachamanmi shamushca**

Ña huatacuna pactajpimi, Taita Diosca paipaj  
Churita cachamurca. Gálatas 4:4

Juchata rurajcunata quishpichingapajmi,  
Cristo Jesusca cai pachaman shamurca. Cai  
shimicunataca pactachinapacha cajpimi, tucuicuna  
crishpa alicachina. 1 Timoteo 1:15

Paica cai pachapimi carca. Cai pachatapash,  
paihuanllatami rurashca carca. Ashtahuangarin cai  
pachapi causajcunaca, paitaca na rijsircachu.  
San Juan 1:10

## **Jesucristo huacharimushcatami villajun**

Jesucristo huacharimunaca, cashnami carca:  
Paipaj mama Mariaca, Josehuan cazarangapajmi  
ari nishca carca. Josehuan nara cazarajpillatami,  
Diospaj jucha illaj Espíritu Mariapajman shamujpi,  
Mariaca vijsayu tucushca carca. Chaipimi Taita  
Diospaj angelca, muscuipi ricurishpa Josetaca  
cashna nirca: “Davidpaj mirai José, Mariataca ama  
saquishpa cazaraila. Paica, Diospaj jucha illaj  
Espíritu paipajman shamujpimi, vijsayu tucushca.  
Paica, shuj jari huahuagutami ungunga. Chai  
huahuagutaca, JESÚS shutitami shutichingui. Paica,

paipaj gentecunata, paicunapaj juchacunamanda quishpichina cashpami, chashna shutiguta charinga” nircami. Tucui caicunaca, Jatun Dios yarichijpi pai ima nishcata villaj runagu villashca pactachunmi, chashna tucurca. Paica cashnami nirca: “Jarihuan nara tacarishca cuitsagumi, vijsayu tucushpa, shuj jari huahuaguta ungunga. Paipaj shutica, Emanuelmi canga” nircami. Emanuel nishpaca: “Taita Diosca ñucanchihuanmi” nijunmi. San Mateo 1:18, 20-23

### **Jesucristo cai pachapi causashcatami villajun**

Nazaret pueblomanda Jesús ushaita charichunga, Taita Diosmi jucha illaj paipaj Espirituta cararca. Taita Dios paihuan cajpimi Jesusca, tucui imata cashpapash, aliguta rurashpa purijurca. Shinallata diablo llaquichishpa charijuj nanaicunahuan huañunajuj gentecunatapashmi alichijurca. Hechos 10:38

Chaipi tiajujpimi, ashtaca gentecuna paipajman chayamunajurca. Paicunaca jangacunata, ñausacunata, na rimai ushajcunata, lado chaqui illaj, lado maqui illajcunata, ashtahuan shuj huañunajuj gentecunatapash, ashtaca ashtacacunata apamushpami, Jesuspaj ñaupajman churamunajurca. Paicunataca Jesusca alichijurcallami. San Mateo 15:30



Jesusca, tucui pueblocunapi uchilla llactacunapi purijushpami, tandanajuna huasicunaman yaicushpa yachachijurca. Dios mandajuj ali villaitapashmi villajurca. Shinallata tucui nanaihuan, tucui unguühuan huañujuj gentecunatapashmi, chai llactapica alichijurca. Chai gentecunataca, michij illaj, jichushca llamacunashna causanajujta ricushpami Jesusca, paicunata ninanda llaquirca. San Mateo 9:35-36

**Jesucristoca huañuchi tucunatapash,  
huañushca puramanda causarinatapashmi  
villashca**

“Ñucallami, aliguta michij cani. Aliguta michij cashpami, ñucapaj llamacunamandaca huañusha. Chaimandami ñuca Taitaca juyahuan. Paicunamanda huañushpapash, cutinmi causarisha. Ñucata huañuchitaca, pipash na ushangachu. Ashtahuangarin ñucallatami, huañuchi tucusha. Huañuchi tucungapajpash, cutin causaringapajpash ushaita charinimi. Chashna ruranataca, ñuca Taita mandashcatami chasquircani.”

San Juan 10:11, 17-18

Jesusca, paipaj yachajujcunaman yachachishpandi rijushpami, cashna nirca: “Runa Aichayu tucushca ñucataca, runacunapaj maquipi japichihuanga. Huañuchijpipash, quimsa punllahuanga causarishallami” nircami. San Marcos 9:31

## **Ñucanchi juchacunata anchuchingapajmi, Jesucristoca cruzpi huañushca**

Shina caparinajupimi, caihuanga ña quimsacaman tapushpa, Pilatoca cashna nirca: “¿Cai runaca, ima nalitata rurashcayari? Pai huañuchi tucungapaca, ima nalita rurashcatapash na tarinichu. Cunanga, astichishpallami cachagrini” nircami. Ashtahuangarin gentecunapash, curacunata mandajcunapash: “Cruzpi chacatai” nishpa ninandapacha caparishpami, Pilatotaca mishamurca. Shinamandami Pilatoca, paicuna imata rurangapaj munashcata rurachun saquirca.

Uma Tullu shuti lomaman chayashpami, Jesusta cruzpi chacatanajurca. Chashna ruranajupimi Jesusca, cashna nirca: “Ñuca Taitalla, caicunaca na yachaimandami cashna ruranajun, caitaca cungapailla” nircami. San Lucas 23:22-24, 33-3

Gente purapica, na ricunayachi tucushca, yangapi churai tucushcami carca. Ninan nanaicunata, llaquita apanata yacharishcami carca. Ñavita shujman churanshna, na ricunayachishpami fiñarcanchi. Paitaca, yangapi churashpami na ricunayachircanchi. Paica, ñucanchi unguicunata aparcapachami. Ñucanchi nanaicunahuanmi llaquita aparca. Ashtahuangarin ñucanchica, paitaca Taita Dios astishpa, chugrichishpa llaquichishcatami yarcanchi. Ashtahuangarin Diosta ñucanchi na cazushcamandami, paica

chugrichi tucurca. Ñucanchi juchacunamandami,  
cutai tucunshna llaquichi tucurca. Casilla ali  
causaiguta ñucanchi charichunmi, paipaj cuerpopi  
ninan llaquita aparca. Pai chugrichi  
tucushcamandami, ñucanchica jambishca canchi.  
Ñucanchica, tucuicunami chingashca  
llamacunashna chingashca causarcanchi.

Tucuicunami, ñucanchi shuj shuj ñanda japishpa  
nurircanchi. Ashtahuangarin Mandaj Diosca,  
chaimanmi tucui ñucanchipaj juchata apachirca.

Paica, cai pachapi causaj puracunamandami  
chuchi tucurca. Nuca agllashcacuna na  
tucushcamandami, chugrichi tucurca. Paica,  
sta na manllajcunahuan tandanajushpa pambai  
gapajmi alichirirca. Ashtahuangarin paica,  
na nalitapash na rurashca cashpapash, pitapash  
machishca cashpapash, charijcunahuanmi  
ushpa pambai tucurca. Chaimandami paitaca,  
iatungunahuan japinata charichun tiachishca. Pai  
apinataca, ninan shinlli runacunahuanmi  
aupirinajunga. Paica, huañuchi tucungacamanmi  
llaquichi tucurca. Paica, ashtacacunapaj juchata  
apashpa, na cazujcunamandapash Diosta  
mañashpami, juchata rurajcunahuan tandachi  
tucurca. Isaías 53:3-6, 8-9, 12

Cristoca, ñucanchipaj juchacunamandami shuj  
viajella huañurca. Ñucanchi ima alita na ruraj  
cajpipash, paica imatapash alita ruraj cashpami,  
ñucanchita Taita Diospajman pushangapaj  
huañurca. 1 San Pedro 3:18

### **Jesucristoca huañushcacunapaj chaupimandami causarishca**

Cashnami escribishca tiajun: “Chashna  
villajushcashnami, Quishpichij Cristoca huañuchi  
tucushpa quimsa punllahuanga, huañushcacunapaj  
chaupimanda causarina carca. Chai jipaca,  
Jerusalenmanda callarishpa, tucui llactacunapi  
causajcunaman, paipaj shutipi cashna  
villanajuchunmi paica cachanga: ‘Ninanda  
llaquirishpa Diospajman tigrarichi. Shina rurajpica,  
Diosmi cangunapaj juchacunata anchuchinga’  
ninmi” nijunmi. San Lucas 24:46-47

Paitaca, caspipi huarcushpami huañuchinajurca.  
Ashtahuangarin Taita Diosca, quimsa punlla  
chayajpi causachishpami, ñucanchiman ricurichun  
saquirca. . . . Huañushcacunapaj chaupimanda  
causarimujpimi, ñucanchica paihuan micushpa,  
ufiashpa tianajurcanchi. Hechos 10:39-41

Cunanga Cristoca, huañushcacunapaj  
chaupimandami causarirca. Fica bunda

causarishpami, paita crij huañushcacuna  
causarinata ricuchijun. Cai pachapica, shujlla  
runamandami huañunaca callarirca. Shinallata  
shujlla runamandami, huañushcacunapaj  
chaupimanda causarinapash callarirca. Imashnami  
Adán runapaj miraicunaca tucuicuna huañunajun,  
chashnallatami Cristohuan causajcunaca, tucuicuna  
causachi tucunga. 1 Corintios 15:20-22

### **Jesucristoca jahua pachamanmi tigrashca**

Paicunamanmi, ninanda llaquichi tucushpa  
huañushpa causarishca jipa, ama ishcai shungu  
tucunajuchun, tauca ricuchinacunahuan, chuscu  
chungu punllacaman cutin cutin ricurijurca.  
Chashna ricurishpami, Taita Dios mandajujmanda  
villajurca. Shina villajujpillatami, paicuna ricujta  
Jesustaca jahua pachaman vichai aparca. Paitaca,  
fuyu quilpajpimi, paicuna na ashtahuan ricui  
usharca. Hechos 1:3, 9

Taita Diosca, aichayu tucushpami shamurca.  
Diospaj Espiritumi, paitaca alita ruraj cajta  
ricuchimurca. Angelcunapashmi paitaca  
ricunajurca. Na israelcunamambash, paimandaca  
villanajunmi. Paitaca, cai pachapi causajcunapash  
crinajunmi. Paitaca, jahua pacha  
punchapambagupipash chasquircami.  
1 Timoteo 3:16

## **Taita Diosca imashnami quishpichisha nijun**

“Ñuca quishpiringapaca, ¿imatata rurana capani?”  
nishpa tapujpimi: “Apunchi Jesucristota  
cripangui. Quiquin crishpaca quishpiringuimi”  
ninajurca. Hechos 16:30-31

Cangunapaj juchacunata Dios fichachun, ninanda  
llaquirishpa Diospajman tigrarichi. Hechos 3:19

Ninanda llaquirishpa Diospajman tigrarichi.  
Tucuicuna Jesucristopaj shutipi bautizarichi.  
Shina rurajpimi Diosca, cangunapaj juchacunata  
anchuchishpa, paipaj jucha illaj Espirituta  
cangunaman caramunga. Hechos 2:38

Ñucanchipaj juchacunata Taita Diosman villajpica,  
paimi imatapash pactachijlla cashpa, imatapash  
alita rurashpa, ñucanchipaj juchacunataca  
anchuchijun. Shinallata ñucanchi imata nalita  
rurashcatapash tucuillatami maillajun.

1 San Juan 1:9

“Jesusca ñucata Mandajmi” nishpa, quiquimbaj  
shimihuan villapangui. Shinallata huañushcacunapaj  
chaupimandaca, Taita Dios paita causachishcatapash  
tucui shunguhuan cripangui. Shina crishpaca  
quishpiringuimi. Shunguhuan imatapash alita  
rurashcatashna Dios chasquijujtami crina capangui.  
Ashtahuangarin quiquimbaj shimihuan villashpaca  
quishpiringuimi. . . . Maijan cashpapash, Jatun

Diospaj shutipi mañashpaca quishpiringami.

Romanos 10:9-10, 13

Ñuca Taita ñucaman carashcacunaca, tucuicunami ñucapajman shamunga. Ñucapajman shamujcunataca, na tigrachishpa canllaman cachashachu. San Juan 6:37

### **Jesucristoca paipaj yahuarhuanmi quishpichijun**

Tucurinalla orohuan, culquihuanga na quishpichi tucushcachu canguichi. Ashtahuangarin Cristopaj juyaila yahuarguhuanmi, cangunataca quishpichirca. 1 San Pedro 1:18-19

sucristopaj yahuarmandami, Diosca andapacha juyashpa, ñucanchipaj juchacunataca chuchishpa quishpichirca. Efesios 1:7

Quiquingunaca, na quiquingunamandallataca quishpirishcachu canguichi. Ashtahuangarin Diospaj ninan juyaimandamari, paita crishpa quishpirishca canguichi. Chai aligutaca, Taita Diosmi caramujun. Pipash ama jariyachunmi, imatapash alicunata rurashpa causajushcamandaca na caramushca. Cangunaca, punda huatacunapica paimanda anchurishpami, carupi causarcanguichi. Ashtahuangarin cunanga, Cristo Jesuspaj yahuarmandami, paihuan shujlla tucujpi, cangunataca Diospajman tandachirca. Efesios 2:8-9, 13

Diospaj Churi Jesucristopaj yahuarca, ñucanchipaj juchacunataca tucuillatami maillan. 1 San Juan 1:7

Taita Diosca, pai imashna cashcapash Cristopi junda cachunmi munarca. Tucui ima tiashcapash, Cristomandalla paihuan cutin ali tucuchunmi, Diosca munarca. Cai pachapi causajcunapash, jahua pachapi tiajapunapash, Dioshuan casilla aliguta causachunmi Cristoca, cruzpi yahuarca jichashpa huañurca. Cangunapaj yuyaipi imatapash nalita yarishpa, nalita rurashpami, pundacunaca Diosta na rijsishpa, fiñashpa chingashca causarcanguichi. Ashtahuangarin cunanga, Dioshuan cutin ali tucuchunmi, Cristoca aichayu tucushpa, ninan llaquita apashpa huañurca. Paipajlla causashpa, na mapayashcata, na juchachi tucushcata, Diospaj ñaupajpi cangunata ricuchingapajmi, chashna huañurca. Colosenses 1:19-22

Shinamandami, maijan cashpapash Cristohuan cashpaca mushujman tigran. Punda nali causajushcacunaca chingashcami. Ricuichi, tucuillami mushuj tucushca. 2 Corintios 5:17

### **Diospaj jucha illaj Espiritumandami villaj n**

Shuj ali Cushichijta cangunaman carachunmi, ñuca Taitataca mañasha. Chaimi cangunahuanga, causaita causajunga. Chaica, Diospaj na llullaj Espiritumi. Cai pachapajtalla rurashpa causajcunaca, paitaca na ricushca, na rijsishca



cashpami, na chasqui ushanga. Ashtahuangarin cangunaca, cangunahuan causajupimi rijsinguichi. Paica, cangunapaj shungupimi, causaita causajunga. Ñuca Taitaca, shuj Cushichij, jucha illaj paipaj Espiritutami ñuca shutipi cachamunga. Paimi, imagutapash tucuita yachachijunga. Shinallata ñuca cangunaman imata villashcatapash, tucuitami yarichijunga. San Juan 14:16-17, 26

Taita Diospaj jucha illaj Espiritutaca, na llaquichinachu canguichi. Diosca, chai jucha illaj Espirituhuanmi, cangunata quishpichina punllacaman, paipajlla cachun sellashca charijun. Efesios 4:30

Diospaj Espirituhuanmi causana canguichi. Ashtahuangarin na quiquin munaicunatalla ruranachu canguichi. Gálatas 5:16

Taita Diospaj Espíritu pushajpi tucui causajcunami, Taita Diospaj huahuacuna. Diospaj Espiritullatami, ñucanchi shungupica: “Cangunaca, Taita Diospaj huahuacunami canguichi” nishpa yarichijun. Romanos 8:14, 16

Diospaj Espíritu jundami causana canguichi. Efesios 5:18

Diospaj Espirituca, cashna causanatami granota fucuchinshna ricuchijun: Juyarishpa causanata,

cushijushpa causanata, casilla aliguta causanata, na ñapash fiñarishpa causanata, llaquishpa causanata, imagutapash carashpa causanata, aliguta crishpa causanata, na jariyashpa causanata, nali munaicunatapash mishashpa causanatami ricuchijun. Gálatas 5:22-23

### **Diospajlla aliguta causanatami villajun**

Taita Diosca, cangunataca paipajlla causachunmi munan. 1 Tesalonicenses 4:3

Can na llullashpa villajuj Shimita catishpa cambajlla causachun, paicunataca charipairi. Cambaj Shimica, napacha llullajchu. San Juan 17:17

¿Juchatachu ashtahuan rurashpa catina canchi? Napacha shinachu. Ashtahuangarin juchata ama ashtahuan rurangapaj huañushcashna cashpaca, ¿imashnata ashtahuanga chai juchatallata rurashpa causashunchiyari? Cristoca, tucuicunapaj juchamandami shuj viajella huañurca.

Chaimandami cangunapash, cashna yarina canguichi: Juchata ama rurangapaca, huañushcashnami canchi. Ashtahuangarin ñucanchi Apunchi Jesusmandaca, Taita Diospajlla causaj cashcatami yarina canchi. Shinallata cangunapaj cuerpopi tucui tiajtapash na juchaman saquinachu canguichi. Ashtahuangarin huañusl cacunapaj chaupimanda causarishcashna

cashpami, Taita Diospaj cachun cangunallata cuna canguichi. Romanos 6:1-2, 10-11, 13

Cunanga, juchata rurashpa causajujmanda Dios cangunata cacharichishcamanda Taita Diostalla servijcunami tucurcanguichi. Shina tucushpami, grano fucunshna Diospajlla causanata japircanguichi. Chaita japijushcamandaca, causaita causagrinatami charinguichi. Romanos 6:22

Casilla ali causaiguta caraj Taita Diosllata paipajlla causanatapash carachun. Cangunapaj tucui causaita, espirituta, almata, cuerpotapash ama juchachi tucushca cachun, ñucanchi Apunchi Jesucristo tigramuna punllacaman alichishpa charichun. Cangunata juyashpa cayaj Diosca, tucuita pactachij cashpami, cashna nishcataca tucuillata ruranga. 1 Tesalonicenses 5:23-24

### **Taita Diosta mañanatami villajun**

Ñuca shutipi ñuca Taitata imaguta mañajpipash carashallami. Paipaj Churimanda Taita punchapambagumi cangui ni tucuchunmi, chashna carasha. Ñuca shutipi imata mañajpipash carashallami. San Juan 14:13-14

Canguna ñucahuan causashpa ñuca villashca shimicunatapash yariashpa causashpaca, imaguta cashpapash ñuca Taitata mañanguichilla. Paica carangallami. San Juan 15:7

Imagu illajpipash, na chaitalla yariashpa llaquilla  
causanachu canguichi. Ashtahuangarin Taita  
Diosmanmi, irnatapash villashpa ninanda mañana  
canguichi. Tucui imamandapash pagui nishpa  
mañanguichilla. Filipenses 4:6

Diosta mañanataca, na samashpa tucuiipi ninanda  
mañashpami, Diospaj Espirituhuan causashpa  
mañajunalla canguichi. Efesios 6:18

Diosta mañanataca, na saquinachu canguichi.  
Imamandapash Taita Diostaca, pagui ninajunallami  
canguichi. Cangunataca, Cristo Jesusmandami  
Taita Diosca, chashna causachun munan.  
1 Tesalonicenses 5:17-18

### **Diospajta rurajushpa llaquita apanatami villajun**

Diosllata ñucanchita rurashca cashpami, imatapash  
alicunata rurashpa causanajuchun, Cristo  
Jesusmanda ñucanchita rurashca. Shinamandami  
Taita Diosca, ñucanchitaca ñaupallata ña  
alichishca. Efesios 2:10

Taita Diosca ninan ushaita charishpami, ninanda  
juyajun. Shina cashpami, canguna imata  
charichumbash, tucui causaipi ninanda caramujun.  
Shina caramujpimi imata alita rurangapajpash,  
imapash na illaj canguichi. 2 Corintios 9:8

Apunchi Jesusta alipacha crishpa catinami canguichi. Imata rurachun pai mingashcatapash, ashtahuanmi rurashpa catina canguichi. Apunchi Jesusmanda imatalla ruranaca, na yanga cajta yachashpami, chashna rurana canguichi.

1 Corintios 15:58

Cristomandaca, na paita crinatalla Diosca carashcachu. Ashtahuangarin paimanda llaquita apanatapashmi carashca. Filipenses 1:29

Canguna aliguta rurashpa causajpica, ¿pita cangunataca llaquichi ushangayari? Ashtahuangarin imatapash alita rurashpa causanajushcamanda llaquichi tucushpaca, ninandami cushijunguichi. Shina cashcamanda, na paicunata manllaimandalla chujchunachu canguichi. 1 San Pedro 3:13-14

Cristota catishcamanda nalicachishpa rimai tucujushpaca, ninandami cushijunguichi. Cangunapaj shungupica, punchapamba Diospaj Espiritumi causajun. 1 San Pedro 4:14

### **Taita Diostalla ninanda mañanatami villajun**

Ñucami, . . . canda Mandaj Taita Dios cani. Ñucapaj ñaupajpica, ama shuj dioscunata charinguichu. Imaman rijchajcunatapash ama ruranguichu. Jahua pachapi, cai pachapi, alpa ucupi, alpa ucupi tiaj yacucunapi tiajcunaman

rijchajtapash ama ruranguichu. Chaicunataca ama  
cunguringuichu, alicachitallapash ama  
alicachinguichu. Éxodo 20:2-5

Shuj gentecunapaj tucui dioscunaca, yanga  
dioscunami. Ashtahuangarin Mandaj Diosmi,  
jahua pachataca rurarca. Salmo 96:5

Cai pachapi tiaj yanga dioscunaca, imallapash na  
canllu. Ashtahuangarin shujlla Taita Dios tiajtami  
yachanchi. Ñucanchipaca, shujlla Taita Diosmi  
tian. Paimandami tucui imapash tiashca.  
Ñucanchipash paipajmi canchi. Shinallata shujlla  
Mandajmi tian, paica Jesucristomi. Paimandami  
tucui imapash tian. Ñucanchipash paimandami  
causanajunchi. 1 Corintios 8:4, 6

Canda Mandaj Taita Diostalla ninanda alicachingui.  
Paitalla servishpa causangui. San Mateo 4:10

Cai pachapajta rurachun yarichijuj munaicunataca,  
tucuitami huañuchinshna saquina canguichi:  
Shujhuan nalita ruranata, Diospaj ñaupajpi  
mapayanata, nalita rurana yuyaicunata, nali  
munaicunata, charijyanataca na munanachu  
canguichi. Chaita munanaca, yanga dioscunata  
mañanajunshnallatami. Paita na cazushpa chashna  
nalita rurajcunatami, ninanda fiñashpa Taita Dios  
llaquichinaca shamujun. Colosenses 3:5-6

## **Taita Dios quishpichisha nijujta na cazujcunaca llaquichi tucungami**

Cai juyaila quishpirinata nalicachishpa saquishpaca,  
¿imashnata ninanda llaquichi tucunamandaca  
pacajui ushashunchiyari? Hebreos 2:3

Maijambash nalita mishashpaca, ñuca  
carajushcataca tucuitami japinga. Shinallata  
ñucami, paipaj Taita Dios casha, paipash ñuca  
huahuami canga. Ashtahuangarin gentecunata  
manllajcuna, ñucata na crijcuna, millanayaita  
rurajcuna, huañuchijcuna, shujhuan nalita  
rurajcuna, yumbucuna, yanga dioscunata  
mañajcuna, tucui llullajcunapash, azufrehuan  
rupajuj nina cuchapi causagrinatami japinga.  
Chaiman rinaca, jipa huañuimi canga.

Apocalipsis 21:7-8

Diospaj Churita maijambash crishpaca, causaita  
ausagrinatami charin. Ashtahuangarin Diospaj  
hurita na cringapaj munashpaca, causaita  
isagrinataca napacha charingachu.  
htahuangarin ninanda fiñashpa Taita Dios  
quichinaca, paipaj jahuapimi shuyajun.

an Juan 3:36

¿Pita cangunataca, Dios ninanda fiñarishpa  
llaquichinamandaca pacajunguichillami nishpa  
yachachishcayari? San Lucas 3:7

## **Ima nalitapash, Satanastapash mishanata mi villajun**

Casilla ali causaiguta caramuj Taita Diosmi, Satanastaca ñapash cangunapaj chaquihuan sarunshna mishachingapaj ushaita caramunga.

Romanos 16:20

Taita Diospaj Churica, diablo imata rurajujta tucuchingapajmi shamurca. 1 San Juan 3:8

Yanapi huatashpa charijujpaj maquimandaca, Diosmi ñucanchita cacharichishpa, paipaj juyashca Churi mandajuj llactaman yalichirca. Paipaj Churipaj yahuarmandami, Diosca ñucanchipaj juchacunata anchuchishpa quishpichirca.

Colosenses 1:13-14

Cai nali pachapi causanajujpi quishpichingapajmi, Jesucristoca ñucanchipaj juchacunamanda japi tucushpa huañurca. Chashna huañuchunga, ñucanchi Taita Dios munashcashnami pactarca. Paica, causaita causaicaman punchapambagumi cangui ni tucushca cachun. Shina cachun.

Gálatas 1:4-5

Apunchi Jesushuanmi shinllipacha tucuna canguichi. Paipaj ushahuanmi shinlli tucuna canguichi. Taita Dios cushca, macanajungapaj tucui churajunacunata churajuichi. Diablo urmachingapaj pacalla chapujujta, shinlli



shayarishpa mishangapajmi chashna churajuna  
canguichi. Efesios 6:10-11

Taita Diostaca, pagui ninami canchi. Paimi, nalita  
mishachunga, ñucanichi Apunchi Jesucristomanda  
ushaita caramujun. 1 Corintios 15:57

### **Jesucristo tigramunatami villajun**

Ñuca causajuj llactapi ñucahuan causachunmi,  
cangunataca pushangapaj tigramusha.

San Juan 14:3

Cangunapaj chaupimanda jahua pachaman apai  
tucushca cai Jesusllatami, jahua pachaman rijujta  
canguna imashna ricushcashnallata cutin  
shamunga. Hechos 1:11

Apunchi Jesusllatami, caparishpa mandashcahuan,  
angelcunata mandaj ángel caparishcahuan,  
Taita Diospaj cornetata huacachishcahuan jahua  
pachamanda urai shamunga. . . . Chai jipaca,  
ñucanichi causajcunata caipi quedashcacunatami  
paicunahuan tandachishpa, Apunchi Jesushuan  
jahua huairapi tuparingapaj fuyupi apanga.  
Shina apajpimi, Apunchi Jesushuan causaita  
causagrishun. 1 Tesalonicenses 4:16-17

Cristo ricurimujpimi, paishnallapacha cashun.  
Paitami, imashnapacha cajtapash ricushunchi.  
1 San Juan 3:2

Cangunata Mandaj ñuca ima horas tigramunataca  
na yachaimanda, rijcharianshnamí chapariana  
canguichi. . . . Runa Aichayu tucushca ñucami,  
cungashcapi ñapash shamusha. Cangunaca,  
alichirishcalla rinallami shuyana canguichi.

San Mateo 24:42, 44

Ricunguichi, ñucaca ñapashmi shamusha.  
Tucuicuna imatalla rurashcamandapash canguna  
japinataca, apashpami shamusha.

Ari, ña shamushapachami.

Shina cachun. Ari, shamupailla, Apunchi Jesuslla.

Apocalipsis 22:12, 20

Cai uchilla librogupi tiajuj shimicunaca, Santa Biblia  
nishca Diospaj Shimimanda japishca shimicunami  
capan. Taita Dios quiquinman ashtahuan yachachishca  
capachun, quiquinllata Diospaj Shimita leyishpa ricuna  
capangui.